

# MANIFEST Maart 2019

## 1. Tegenstrijdigheid (Contradishon)

Gobierno, riba diabierna pasa (8 di maart) a manda 5 instancianan (polis, DIP, BCI-City Inspector, DTI y un camera crew) pa sera tur minanan na Aruba. Pero e mina di nan mes no a wordo bishita! E mina NOBO di Serlimar na Sero Thijshi y DOW na Gavilan no a wordo para ni publica na prensa. Pakiko no?

Aparentemente gobierno (Serlimar) ta pagando 500.000 florin pa luna na Caribbean Trucking Company NV pa nan rosa, coba y dera un tereno na Sero Thijshi di un grandura di 150mil m<sup>2</sup> di naturaleza pa Serlimar. E compania ta registra na KvK y eyan ta parece pa colmo cu e compania aki no tin cobamento como doel y anto no tin ni vestigingsvergunning pa haci e trabow ey.

## 2.. Hotel San Nicolas

Gobierno ta para un gran parti di e minanan pasobra nan ta bai cai den groengebied segun e ROP nobo di anja 2019. Dicon anto, e desaroyadornan di e hotel na banda di Baby Beach na San Nicolas si ta bai hanja permiso di destrui e naturaleza existente?

Fo'i di unda nan ta bai hanja material pa yena nan fundeshi? NO POR ta cu nan si ta bai hanja material "local". Ningun inversionista ta bai di acuerdo cu nan proyecto di repente ta bai bira 50% mas caro!

## 3... Trahadornan (Labor) y Economia

Mas di 50 companian a wordo afecta dor di e eenzijdige disishon di gobierno. Cienes, si no miles de trahadornan ta bai perde nan trabou. E efecto socio-economico ta uno asina negativo cu e ta bai tin consecuencianan enorme.

## 4.... Prijs di construcshon den futuro.

Buscando material di afo ta bai costa pueblo triple si no mas pa material prima manera granito... Ya caba un famia cu ta gana minimum loon, no por traha na

mesun cas, imaginabo ora e prijs ta bai subi pasobra tin cu importa tur productonan?

Minister ta duna tereno na un banda, y next e ta kita e tereno pasobra e hende no por paga pa construi nan propio cas mes.

Casnan nobo di FCCA (casnan social) tambe nan huurprijs ta bai subi y lo bira impagabel pa nos hendenan.

Tambe tur banconan ta bai wordo exigi dor di Banco Central pa analisa tur taxatie waardes di e casnan cu a haya hypotheek den pasada. E herconstructie prijs ta bai bira mas halto cu e marktwaarde! Ya awendia e herconstructie waarde ta igual of mas cu e executie waarde!

Projectonan Gobernal (DOW, DIP, Etc.) tambe ta bai costa mas, locual pueblo ta bai paga pey.

## **5..... Legal**

Minister Otmar Oduber ta papiando di un ley bieu y di e ley nobo!? ROP di 2009, ni esun di 2019, ta, ni tabata un LEY!

Un di e interes di e ROP ta di proteha nos naturaleze (flora y fauna), pero parce cu e no ta tuma cuenta cu lo que importacion di e material ta haci na e naturaleze di e otro paisnan fo'y di unda e material mester bin! E barco transportando e material ta haci mas danjo cu tur e minanan local.

E combistibel pa transporta e material ta asina hopi, cu sigur sigur e ta bai afecta e medio ambiente di mundo en general!

Nos Exigencia:

1. Di inmediatamente duna e companianan involvi e periode di overgang fase manera minister Oduber a menciona den su rueda di prensa di dia 22 Februari, 2019.
2. Cuminsa un dialogo social den tur aspectonan economico y social pa evalua e consecuencianan.
3. Lanta un cominshon na unda representantanan di e companian involvi ta wordo invita pa partisipa pa busca un solushon favorabel pa tur partidonan.